



Broj: 02-05-16501-34/15  
Sarajevo, 03.06.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo, na **Osmoj** sjednici održanoj **03.06.2015.** godine, donijela je sljedeći

## ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec april 2015. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

**P R E M I J E R**

**Elmedin Konaković**

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**SARAJEVO**

**I N F O R M A C I J A**  
**O STANJU KRIMINALITETA, JAVNOG REDA I MIRA I SIGURNOSTI**  
**SAOBRAĆAJA NA PODRUČJU KANTONA SARAJEVO**  
**ZA MJESEC APRIL 2015. GODINE**

---

Sarajevo, maj 2015. godine

## 1. KRIMINALITET

### 1.1. OSNOVNI STATISTIČKI POKAZATELJI KRIMINALITETA

U mjesecu aprilu 2015. godine, na području Kantona Sarajevo registrovano je 407 krivičnih djela<sup>1</sup> što je za 71-no djelo ili 13% manje u odnosu na isti mjesec prethodne godine.

Od ukupnog broja registrovanih krivičnih djela, 170 ili 35,7% izvršeno je od strane poznatih, a 306 ili 64,3% od strane nepoznatih izvršilaca.

Za 147 djela ili 48% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega je 76 krivičnih djela iz izvještajnog, a 71-no iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu aprilu 2015. godine za ukupno 317 krivičnih djela ili 66,6%, identifikovali osumnjičene izvršioce, što je za 3,7% više u odnosu na isti mjesec prethodne godine.

Osnovni statistički pokazatelji kriminaliteta u mjesecu aprilu 2015. godine

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>april 2015.</b>	<b>476</b>	<b>170</b>	<b>306</b>	<b>147</b>	<b>71</b>	<b>262</b>	<b>8</b>	<b>168</b>	<b>131</b>
april 2014.	547	189	358	155	72	267	16	174	100
<i>uporedba</i>	-71	-19	-52	-8	-1	-5	-8	-6	31
	-13%	-10,1%	-14,5%	-5,2%	-1,4%	-1,9%	-50%	-3,4%	31%

Zbog postojanja osnova sumnje da su počinili krivična djela prijavljena su 262 lica (pet ili 1,9% manje), od čega je 168 povratnika (šest ili 3,4% manje) u izvršenju krivičnih djela (ili 64,1% od broja prijavljenih lica), osam maloljetnika (osam ili 50% manje), a 131-no lice je lišeno slobode (31 ili 31% više).


<sup>1</sup>Tokom mjeseca aprila ove godine Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 337 obavijesti (74 manje) o događajima u kojima je pričinjena neznatna materijalna šteta.

Pregled kriminaliteta na području Kantona Sarajevo u mjesecu aprilu 2015/14. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	april 2015.	april 2014.	uporedba		rasvj. april 2015.	
			+/-	%	broj kd	%
ŽIVOTA I TIJELA	16	16	0	isto	16	100%
SLOBODE I PRAVA ČOVJEKA I GRAĐANINA	18	19	-1	-5,3%	18	100%
SPOLNE SLOBODE I MORALA	5	2	3	150%	4	80%
BRAKA, PORODICE I MLADEŽI	25	32	-7	-21,9%	25	100%
ZDRAVLJA LJUDI	27	31	-4	-12,9%	27	100%
PROTIV PRIVREDE, POSLOVANJA I SIGURNOSTI PLATNOG PROMETA	1	3	-2	-66,7%	1	100%
IMOVINE	332	384	-52	-13,5%	180	54,2%
OKOLIŠA	1	2	-1	-50%	0	0%
OPĆE SIGURNOSTI LJUDI I IMOVINE	10	7	3	42,9%	4	40%
SIGURNOSTI JAVNOG PROMETA	6	7	-1	-14,3%	6	100%
PRAVOSUĐA	2	1	1	100%	4	200% <sup>2</sup>
JAVNOG REDA I PRAVNOG PROMETA	20	30	-10	-33,3%	19	95%
PODMIČIVANJA I KD PROTIV SLUŽBENE I ...	1	2	-1	-50%	1	100%
PRIVREDE I JEDINSTVA TRŽIŠTA ... (KZBiH)	0	1	-1	---	0	---
ZONDINOIM-a (Sl.novine Kantona Sarajevo br. 38/07)	12	10	2	20%	12	100%
	476	547	-71	-13%	317	66,6%

U mjesecu aprilu 2015. godine u odnosu na isti mjesec prethodne, zabilježeno je značajno smanjenje broja registrovanih krivičnih djela za 71 ili 13%. Najznačajnije smanjenje zabilježeno je u oblasti protiv imovine (za 52 djela), zatim javnog reda i pravnog prometa (za deset), braka, porodice i mladeži (za sedam), zdravlja ljudi (za četiri), itd. dok je povećanje evidentirano u oblastima protiv spolne slobode i morala (za tri), opće sigurnosti ljudi i imovine (za tri) i djela regulisanih ZONDINOIM-om (za dva).

Grafički prikaz broja registrovanih i rasvijetljenih krivičnih djela po policijskim upravama MUP-a KS



<sup>2</sup> Pored rasvijetljavanja svih registrovanih djela iz ove oblasti u mjesecu aprilu ove godine, rasvijetljena su i dva djela iz ranijeg perioda (iz člana 347. KZFBiH-a - lažno prijavljivanje).

Pregled registrovanih krivičnih djela na području Kantona Sarajevo u mjesecu  
aprilu 2015. godine

ČLAN	KZ	Naziv člana	UKUPNO		
			KD <sup>3</sup>	NN	NI
			<b>476</b>	<b>306</b>	<b>147</b>
166	FBiH	UBISTVO	2	0	0
166/28	FBiH	UBISTVO U POKUŠAJU	2	0	0
172	FBiH	TEŠKA TJELESNA OZLJEDA	5	1	1
173	FBiH	LAHKA TJELESNA OZLJEDA	6	0	0
174	FBiH	UČESTVOVANJE U TUČI	1	0	0
179	FBiH	PROTUPRAVNO LIŠENJE SLOBODE	2	0	0
183	FBiH	UGROŽAVANJE SIGURNOSTI	15	1	1
189	FBiH	NEOVLAŠĆENO OPTIČKO SNIMANJE	1	0	0
203	FBiH	SILOVANJE	2	0	0
208	FBiH	BLUDNE RADNJE	2	1	0
211	FBiH	ISKORIŠTAVANJE DJETETA ILI MALOLJETNIKA RADI PORNOGRAFIJE	1	0	0
222	FBiH	NASILJE U PORODICI	25	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	3	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	24	0	0
247	FBiH	ZLOUPOTREBA OVLASTI U PRIVREDNOM POSLOVANJU	1	0	0
286	FBiH	KRAĐA	53	44	24
287	FBiH	TEŠKA KRAĐA st 1.tačka a)	206	196	87
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	10	9	7
287/28	FBiH	TEŠKA KRAĐA U POKUŠAJU	3	2	2
287/32	FBiH	TEŠKA KRAĐA U PODSTREKAVANJU	1	1	1
288	FBiH	RAZBOJNIČKA KRAĐA	2	2	1
289	FBiH	RAZBOJNIŠTVO	35	33	16
289/28	FBiH	RAZBOJNIŠTVO U POKUŠAJU	1	1	0
289/33	FBiH	RAZBOJNIŠTVO U POMAGANJU	1	1	1
290	FBiH	UTAJA	3	0	1
293	FBiH	OŠTEĆENJE TUĐE STVARI	12	3	1
294	FBiH	PRIJEVARA	2	1	0
300	FBiH	PRIKRIVANJE	3	1	1
317	FBiH	IZAZIVANJE ŠUMSKOG POŽARA	1	1	0
323	FBiH	IZAZIVANJE OPĆE OPASNOSTI	9	6	0
323/31	FBiH	IZAZIVANJE OPĆE OPASNOSTI U SAUČINITELJSTVU	1	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	6	0	0
347	FBiH	LAŽNO PRIJAVLJIVANJE	1	0	2
347/33	FBiH	LAŽNO PRIJAVLJIVANJE U POMAGANJU	1	0	0
358	FBiH	SPRIJEČAVANJE SLUŽBENE OSOBE U VRŠENJU SLUŽBENE RADNJE	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	2	0	0
362	FBiH	NASILNIČKO PONAŠANJE	8	2	1
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA	7	0	0
373	FBiH	KRIVOTVORENJE ISPRAVE	2	0	0
384	FBiH	PRONEVJERA U SLUŽBI	1	0	0
Zakon o nabavljanju, držanju i nošenju oružja i municije (Sl. novine KS br. 38/07)			12	0	0

<sup>3</sup> KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioци

## 1.2. PREGLED KRIVIČNIH DJELA PO OBLASTIMA

### 1.2.1. KRIVIČNA DJELA PROTIV ŽIVOTA I TIJELA

Tokom mjeseca aprila 2015. godine u ovoj oblasti evidentirano je 16 krivičnih djela (isti broj djela kao u mjesecu aprilu 2014. godine) i to: ubistvo – dva djela (jedno više), ubistvo u pokušaju – dva (jedno više), teška tjelesna ozljeda – pet (četiri manje), lahka tjelesna ozljeda – šest (dva više) i učestvovanje u tuči - jedno djelo (isto).

Sva djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 22 lica, od kojih je 10 povratnika ili 45,5%, a 12 je lišeno slobode.

*Dana 13.04.2015. godine, oko 22,00 sata, u stanu u ulici Bajrama Zenunija, općina Novi Grad, T. Haris (1971) je nakon verbalnog sukoba sa više hitaca iz vatrenog oružja - pištolja lišio života Bodven Firzetu (1966). Zbog postojanja osnova sumnje da je počinio krivično djelo iz člana 166. KZ FBiH-a (UBISTVO) isti je lišen slobode i uz službeni izvještaj predat nadležnom tužilaštvu.*

*Dana, 16.04.2015. godine, oko 19,00 sati u službenim prostorijama navijača FK Željezničar koje se nalaze na sjevernoj tribini stadiona Grbavica, ulica Zvornička, općina Novo Sarajevo T. Izudin (1989) je bez ikakvog povoda i razloga hicima iz vatrenog oružja – pištolja, lišio života Rašić Mirzu (1989), te se udaljio sa lica mjesta u nepoznatom pravcu. Dana 17.04.2015. godine oko 03,20 sati imenovani je pronađen, lišen slobode i uz službeni izvještaj predat nadležnom tužilaštvu zbog postojanja osnova sumnje da je počinio krivično djelo iz člana 166. KZ FBiH-a (UBISTVO).*

*Dana, 08.04.2015. godine, oko 16,25 sati u ulici Malta, općina Novo Sarajevo, M. Anes (1979) i M. Mario (1994) su nakon kraćeg verbalnog sukoba sa Arnautović Asimom (1987) pucali iz vatrenog oružja – pištolja, pri čemu su mu nanijeli teške tjelesne ozljede opasne po život. Zbog postojanja osnova sumnje da su počinili krivično djelo iz člana 166. u vezi sa članom 28.KZ FBiH-a (Ubistvo u pokušaju) imenovani su lišeni slobode i uz službeni izvještaj predati nadležnom tužilaštvu.*

*Dana, 16.04.2015. godine, oko 11,30 sati u ulici Koševo, općina Centar M. Eldin (1989) je zbog ranije neraščišćenih računara, upravljajući putničkim motornim vozilom skrenuo sa kolovoza na trotoar kojim se kretao Planja Suljo (1977), namjerno ga udario prednjim djelom vozila usljed čega je isti zadobio teške tjelesne ozljede. Osumnjičeni se potom udaljio sa lica mjesta u nepoznatom pravcu, međutim efikasnom akcijom od strane policijskih službenika isti je ubrzo pronađen i lišen slobode zbog postojanja osnova sumnje da je počinio krivično djelo iz člana 166. u vezi sa članom 28.KZ FBiH-a (Ubistvo u pokušaju) i uz službeni izvještaj predat nadležnom tužilaštvu.*

#### 1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 18 krivičnih djela (jedno manje) i to: - ugrožavanje sigurnosti - 15, protupravno lišenje slobode - dva i neovlašćeno optičko snimanje - jedno djelo. Za izvršenje ovih djela prijavljeno je 25 lica od kojih je 16 povratnika ili 64%, a 12 je lišeno slobode.

Krivična djela ugrožavanja sigurnosti evidentirana su na području sljedećih općina: Ilidža - šest, Stari Grad - četiri, Novo Sarajevo - dva, itd., a počinjena su upućivanjem verbalnih prijetnji, pisanjem poruka prijetećeg sadržaja i sl. bez težih posljedica po oštećene.

#### 1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirano je pet djela (tri više) i to: silovanje i bludne radnje - po dva i iskorištavanje djeteta ili maloljetnika radi pornografije - jedno djelo. Zbog postojanja osnova sumnje da su počinili ova djela prijavljeno šest lica, a četiri su lišena slobode.

*Zbog postojanja osnova sumnje da su u periodu od 11. do 14. marta 2015. godine u vikendici u ulici Paljevska, općina Novi Grad, u više navrata prijetnjom i upotrebom fizičke snage izvršili nasilan spolni odnošaj nad K.B. (1996) čime su počinili krivično djelo iz člana 203. KZ FBiH-a (Silovanje) lišeni su slobode i uz službeni izvještaj predati nadležnom tužilaštvu B.Nermin (1991) i M.Muhamed (1983).*

*Zbog postojanja osnova sumnje da su dana 19.03.2014. godine, oko 04,00 sati u ugostiteljskom objektu u ulici Aleja Bosne Srebrene, općina Ilidža, prijetnjom i upotrebom fizičke snage izvršili nasilan spolni odnošaj nad M.B. (1990) čime su počinili krivično djelo iz člana 203. KZ FBiH-a (Silovanje) lišeni su slobode i uz službeni izvještaj predati nadležnom tužilaštvu H. Esad (1984) i mldb H.L. (1998).*

#### 1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 25 djela (sedam manje) nasilje u porodici, a zbog postojanja osnova sumnje da su počinili ova djela prijavljena su 23 lica, od kojih je 11 povratnika ili 47,8%, a 11 je lišeno slobode.

Ova krivična djela evidentirana su na području općina: Novi Grad - osam, Novo Sarajevo – četiri, Centar, Ilidža i Hadžići - po tri, itd.

#### 1.2.5. KRIVIČNA DJELA PROTIV ZDRAVLJA LJUDI

Prijavljeno je 27 krivičnih djela iz oblasti protiv zdravlja ljudi (četiri manje) i to: - neovlašćena proizvodnja i stavljanje u promet opojnih droga (čl. 238. KZ FBiH) – tri, - posjedovanje i omogućavanje uživanja opojnih droga (čl. 239. KZ FBiH) –24 djela.

Zbog postojanja osnova sumnje da su počinili navedena djela podneseni su službeni izvještaji protiv 32 lica od kojih je 15 povratnika ili 46,9% , a 23 su lišena slobode.

*Policijski službenici Uprave policije MUP-a KS su Kantonalnom tužilaštvu Sarajevo podnijeli službene izvještaje protiv osam lica zbog postojanja osnova sumnje da su u proteklom periodu u više navrata kupovali opojnu drogu „Marihuanu“ i „Amfetamin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 24 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga („Marihuana“, „Amfetamin“, „Heroin“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).*

Pregled oduzete količine opojnih droga u mjesecu aprilu 2015/14. godine

VRSTA OPOJNE DROGE	APRIL 2015. GOD.	APRIL 2014. GOD.
Marihuana (paketići)	55	---
Marihuana (u gramima)	14.682,82	1.178
Marihuana (JOINT - cigarete)	---	---
Sjemenk „Cannabisa“	---	1000
Amfetamin (paketići)	6	---
Amfetamin (u gramima)	16	93,5
pribor sa tragovima droge (komada)	6	---

Podneseno je osam zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pretres 12 lica, pet stambenih objekata i automobila po usmenim naredbama Opštinskog suda u Sarajevu.

*U mjesecu aprilu ove godine pripadnici Uprave policije sproveli su efikasnu akcija na presijecanju „lanca“ trgovine opojnim drogama, što je rezultiralo zaplijenom veće količine opojne droge „Marihuane“ - preko 14,6 kg.*

#### 1.2.6. KRIVIČNA DJELA PROTIV IMOVINE

U izvještajnom mjesecu, registrovana su 332 krivična djela protiv imovine, što je za 52 djela ili 13,5% manje u odnosu na isti mjesec prošle godine. Među djelima iz ove oblasti najbrojnije su: teške krađe – 216 djela (pet manje), zatim krađe – 53 (24 manje), razbojništvo – 35 (devet manje), oštećenje tuđe stvari – 12 (deset manje), utaja – tri (jedno manje), teška krađa u pokušaju – tri (jedno manje), itd.

Za ukupno 180 ovih djela ili 54,2% identifikovan je osumnjičeni izvršilac što je za 5,2% veća rasvijetljenost imovinskih delikata u odnosu na april predhodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i „provale“ u ista) - 72 slučaja (36 manje), zatim slijede stambeni objekti - 71 (sedam više), poslovni objekti - 63 (32 više), itd.



Na području Kantona Sarajevo u mjesecu aprilu ove godine izvršena su 54 krivična djela teških krađa motornih vozila od čega je 19 ili 35,2% pronađeno i vraćeno vlasnicima (od strane policije MUP-a KS vraćeno je šest vozila, MUP RS-a – dva, drugih MUP-ova - dva, za novac - dva i vlasnici su sami pronašli – sedam vozila).

Broj teških krađa motornih vozila, smanjen je za 23 ili 29,9%.

Pregled broja otuđenih i vraćenih motornih vozila na području Kantona Sarajevo po policijskim upravama u mjesecu aprilu 2015. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih mv	14	11	13	14	2	<b>54</b>
broj vraćenih mv	3	5	8	2	1	<b>19</b>
% vraćenih mv	21,4%	45,5%	61,5%	14,3%	50%	<b>35,2%</b>

Policijski službenici su tokom mjeseca aprila ove godine, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv tri lica (jedno više).

Pregled broja otuđenih motornih vozila na području Kantona Sarajevo po policijskim upravama u mjesecu aprilu 2015/14. godine

POLICIJSKA UPRAVA		I PU	II PU	III PU	IV PU	V PU	UKUPNO
<b>broj otuđenih motornih vozila – april 2015. godine</b>		<b>14</b>	<b>11</b>	<b>13</b>	<b>14</b>	<b>2</b>	<b>54</b>
broj otuđenih motornih vozila – april 2014. godine		25	15	18	18	1	77
uporedba april 2015/14. godine	+, -	-11	-4	-5	-4	1	-23
	%	-44%	-26,7%	-27,8%	-22,2%	100%	-29,9%

Prijavljena su 53 krivična djela krađe (24 manje), koja su izvršena 25 puta u poslovnim prostorijama, sedam puta u vozilima i na stajalištima GRAS-a, šest u stambenim objektima, deset puta na ulici, itd. odakle su otuđivani novčanici, mobiteli, prehrambeni proizvodi, auto dijelovi, nakit, itd.


U mjesecu aprilu 2015. godine, registrovano je 35 krivičnih djela razbojništva (devet manje), od čega je za 18 ili 51,4% djela identifikovan osumnjičeni izvršilac što je za 16,8% manje u odnosu na april prethodne godine.

Razbojništva su evidentirana na području općina: Novo Sarajevo – 12 (isti broj), Ilidža – osam (isto), Centar – šest (šest manje), Novi Grad – šest (isto), itd.

Ova djela izvršena su prijetnjom upotrebe vatrenog oružja i ručne bombe - 17 puta, prijetnjom upotrebe noža ili drugog oštrog predmeta – devet i upotrebom fizičke snage – devet puta, a počinjena su u prodavnicama – 11 puta, u sportskim kladionicama – sedam, na benzinskim pumpama – pet, na ulici - četiri, u bankama i apotekama - po dva, itd. Otuđivan je novac, mobiteli, lijekovi, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 12 lica, od kojih je devet povratnika ili 75% u činjenju krivičnih djela, a šest je lišeno slobode.


Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS



Evidentirano je 10 krivičnih djela teških krađa na naročito opasan ili naročito drzak način (dva manje), u kojima su izvršiocima, upotrebom fizičke snage – šest puta, te verbalnom prijetnjom u četiri slučaja, otimali mobitele, nakit i novac. Ova djela izvršena su na otvorenom prostoru - šest puta, u prodavnici - dva u sportskoj kladionici i stubištu stambene zgrade - po jednom.

Za ukupno osam ovih djela identifikovani su osumnjičeni izvršiocima ili 80%, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv sedam lica od kojih je pet povratnika (ili 71,4%), a četiri su lišena slobode.

Grafički prikaz broja registrovanih krivičnih djela iz člana 287.st (1) tačka b) KZFBiH (teška krađa na naročito opasan ili naročito drzak način) po policijskim upravama MUP-a KS



#### 1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 10 djela (tri više) i to: izazivanje opće opasnosti - devet i izazivanje opće opasnosti u saučiniteljstvu - jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv tri lica od kojih su dva povratnika u činjenju krivičnih djela ili 66,6%, a dva su lišena slobode.


*Krivična djela izazivanja opće opasnosti izvršena su sedam puta na otvorenom prostor te po jednom u ugostiteljskom i stambenom objektu. U tri slučaja pucano je iz vatrenog oružja, tri puta je otvorenim plamenom izazvan požar i u tri slučaja aktivirana je nepoznata eksplozivna naprava. Posljedica izvršenja navedenih djela je samoranjavanje jednog lica, nastala materijalna šteta i uznemirenost građana.*

#### 1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 20 krivičnih djela (deset manje) i to: nasilničko ponašanje – osam, nedozvoljeno držanje oružja ili eksplozivnih materija – sedam, napad na službenu osobu u vršenju poslova sigurnosti i krivotvorenje isprave - po dva i sprječavanje službene osobe u vršenju službene radnje – jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 20 lica, od kojih je 14 povratnika ili 70%, a 13 je lišeno slobode.

Grafički prikaz broja registrovanih krivičnih djela iz člana 362 KZFBiH (nasilničko ponašanje) po policijskim upravama MUP-a KS




### 1.3. KRIVIČNA DJELA POČINJENA OD STRANE MALOLJETNIH IZVRŠILACA

U toku mjeseca aprila 2015. godine **prijavljeno je osam maloljetnih lica** zbog postojanja osnova sumnje da su **izvršili 10 krivičnih djela**. U poređenju sa istim mjesecom 2014. godine, broj krivičnih djela za čije izvršenje su prijavljena maloljetna lica smanjen je za četiri ili 28,6%, a broj prijavljenih maloljetnih učinilaca krivičnih djela smanjen je za osam ili 50%.

Među maloljetnim učiniocima krivičnih djela, dva su u dobi do 14 godina, tri u dobi od 14 do 16 godina i tri su u dobi od 16 do 18 godina. Među maloljetnim izvršiocima krivičnih djela, tri su povratnika (ili 37,5%)

Grafički prikaz broja krivičnih djela izvršenih od strane maloljetnih izvršilaca u toku mjeseca aprila 2015./2014. godine, po policijskim upravama



Maloljetnici su prijavljeni za izvršenje tri krivična djela razbojništva i po jedno djelo: nanošenje teške tjelesne povrede, silovanje, iskorištavanje djeteta ili maloljetnika radi pornografije, posjedovanje opojne droge na javnom mjestu, teška krađa na naročito drzak i opasan način, krađa i nasilničko ponašanje.

Pregled registrovanih krivičnih djela izvršenih od strane maloljetnih lica u toku mjeseca aprila 2015/2014. godine

Naziv krivičnog djela	april 2015.	april 2014.	+ - %
<i>Teška tjelesna povreda</i>	<b>1</b>	2	-50,0
<i>Lahka tjelesna povreda</i>	<b>0</b>	1	-100,0
<i>Silovanje</i>	<b>1</b>	1	0,0
<i>Iskorištavanje djeteta ili maloljetnika radi pornografije</i>	<b>1</b>	0	
<i>Posjedovanje i omogućavanje uživanja opojnih droga</i>	<b>1</b>	2	-50,0
<i>Krađa</i>	<b>1</b>	2	-50,0
<i>Teška krađa</i>	<b>0</b>	1	-100,0
<i>Teška k. izvršena na naročito opasan ili nar. drzak način</i>	<b>1</b>	4	-75,0
<i>Razbojništvo</i>	<b>3</b>	0	
<i>Napad na sl. osobu u vršenju poslova sigurnosti</i>	<b>0</b>	1	-100,0
<i>Nasilničko ponašanje</i>	<b>1</b>	0	
<i>Ukupno</i>	<b>10</b>	14	<b>-28,6</b>

#### 1.4. OSTALA PROTIVPRAVNA I ASOCIJALNA PONAŠANJA

##### 1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca aprila 2015. godine registrovana su dva slučaja aktiviranja minsko-eksplozivnih sredstava (isto kao i u mjesecu aprilu 2014. godine), što je za posljedicu imalo materijalnu štetu na poslovnim i stambenim objektima i na putničkim vozilima.

Tabelarni pregled slučajeva aktiviranja minsko-eksplozivnih sredstava u toku mjeseca aprila 2015. godine

r.b.	Općina	Ulica i mjesto	Datum i vrijeme	posljedice	Izvršilac
1.	Centar	Patriotske lige bb, ispred ugostiteljskog objekta	18.4.2015., oko 05,00 sati	oštećenja na ugostiteljskom objektu i na dva putnička vozila	nepoznat
2.	Stari Grad	Kršilovac 12, ulica	28.4.2015., oko 01,30 sati	oštećenja na tri kuće	nepoznat

U proteklom mjesecu nije bilo anonimnih dojava o postavljenoj eksplozivnoj napravi (kao ni u mjesecu aprilu 2014. godine).

##### 1.4.2. POŽARI

Tokom mjeseca aprila 2015. godine, na području Kantona Sarajevo registrovano je 35 požara (26 više) koji su za posljedicu imali materijalnu štetu.

Požari su registrovani na području općina: Ilidža – 18, Novi Grad – četiri, Centar, Novo Sarajevo i Trnovo – po tri, Stari Grad – dva, Vogošća i Ilijaš – po jedan požar.

Prema statističkim pokazateljima, 16 požara je izazvano namjerno, tri nehatom, dva zbog tehničkih nedostataka, dok uzrok 14 požara spada u kategoriju ostalih.

Zbog izazivanja požara, nadležnom tužilaštvu su podnesena tri službena izvještaja iz člana 323 KZ FBiH (izazivanje opće opadnosti).

#### 1.4.3. OSTALE AKTIVNOSTI

U mjesecu aprilu ove godine, pripadnici policije su u sklopu operativnih aktivnosti izvršili pretres 113 lica, 23 stana, izvršili utvrđivanje identiteta za 70 lica i lišili slobode četiri lica za kojima je bila raspisana potjernica. Takođe, pruženo je 47 asistencija i to na zahtjev državnih organa 45, a po zahtjevu organa i organizacija javnih ovlašćenja – dvije asistencije.

U cilju dokumentovanja krivičnih djela i identifikacije izvršilaca, izvršeno je 356 uviđaja, pronađena i obrađena 672 traga, u 217 slučajeva fotografisano je lice mjesta, 27 puta je skicirano, izvršena su 124 vještačenja i daktiloskopirano 28 lica.

U okviru potražne djelatnosti raspisano je 15 potjernica po naredbama sudova Kantona Sarajevo, a 27 je obustavljeno (iz izvještajnog i ranijeg perioda). Takođe, zaprimljeno je osam prijava o nestalim licima, a 11 je obustavljeno.

U okviru depešnog saobraćaja predata je 2.661-na depeša, primljeno 5.115, zatim tranzitirano 725, dok je za područje RS-a i Granične policije faksom predate 52 depeše, što ukupno iznosi 8.553 komada obrađenih i razmjenjenih depeša.

Za potrebe tužilaštva i drugih nadležnih organa izvršeno je 3.560 provjera iz službenih evidencija, na zahtjev građana izdato 408 uvjerenja o njihovoj osuđivanosti ili neosuđivanosti, otvorena 83 nova dosja i evidentirano 417 lica oštećeno činjenjem krivičnih djela. U izvještajnom mjesecu kontinuirano su pripremane informacije, bilteni, pregledi i analize za interno i eksterno informisanje.

#### 1.4.4. SAMOUBISTVA

U mjesecu aprilu 2015. godine na području Kantona Sarajevo registrovana su tri samoubistva (jedno manje) i to na području općina Centar, Novo Sarajevo i Novi Grad, a izvršena su skokom sa visine u dva slučaja i jednom upotrebom vatrenog oružja. Izvršiooci su dva muškarca i jedna žena u dobi od 40 do 50 godina - jedno i preko 50 godina dva lica.

## 2. JAVNI RED I MIR


U toku mjeseca aprila 2015. godine, protiv učinilaca prekršaja kojima se narušava javni red i mir preduzeto je ukupno 594 prekršajnih sankcija (prekršajnih naloga -490, zahtjeva za pokretanje prekršajnog postupka-104), što u odnosu na mjesec april 2014. godine predstavlja povećanje za 202 ili 51,5%. Prekršajne sankcije preduzete su protiv 619 lica, što u odnosu na isti mjesec 2014. godine predstavlja povećanje za 195 ili 46%.

Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira (555 ili 93,4%), dok je 39 ili 6,6% prekršajnih sankcija preduzeto u skladu sa Odlukom općinskih vijeća o javnom redu i miru. Najbrojniji su prekršaji učinjeni prosjačenjem, koji su u ukupnom broju zastupljeni sa 61,4%. Inače, ovi prekršaji su najizraženiji na području općina Stari Grad i Centar, tako da se i najveći broj prekršajnih sankcija koje su preduzeli policijski službenici Prve policijske uprave odnosi upravo na prekršaje učinjene prosjačenjem (291 ili 81,1% od ukupnog broja sankcija preduzetih u ovoj upravi).

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu 2014. godine ), dok je lakše povrijeđeno 25 lica (devet ili 56,3% više).


Prema starosnoj strukturi lica prema kojima su preduzete prekršajne sankcije, najbrojniji su oni preko 36 godina (338), zatim između 26 i 35 godina (161) i između 19 i 25 godina (114), dok je maloljetnih izvršilaca bilo šest. Među učiniocima prekršaja iz oblasti javnog reda i mira, 98 je povratnika u izvršenju ovih prekršaja.

Grafički prikaz broja prekršajnih sankcija podnesenih u toku mjeseca aprila 2015./2014. godine, po policijskim upravama (i Jedinica za saobraćaj)



Posmatrano po policijskim upravama, najveći broj prekršajnih naloga i zahtjeva za pokretanje prekršajnog postupka podnijeli su policijski službenici Prve policijske uprave (359 ili 60,4% od ukupnog broja), a zatim Druge (147 ili 24,7%), Treće (36 ili 6,1%), Četvrtе (31 ili 5,2%), te Pete (18 ili 3%). Službenici Jedinice za saobraćaj MUP-a Kantona Sarajevo uručili su tri prekršajna naloga (ili 0,5 %).

Grafički prikaz broja prekršajnih sankcija u toku mjeseca aprila 2015./2014. godine, po policijskim stanicama



**Povećanje broja** prekršajnih naloga i zahtjeva, u odnosu na mjesec april 2014. godine, imale su policijske stanice:

- Stari Grad (za 118 ili 115,7%);
- Novo Sarajevo (za 83 ili 129,7%);
- Novi Grad ( za 19 ili 111,8%);
- Ilidža ( za jedan ili 5,9%) i
- Hadžići (za jedan ili 10%)

**Smanjenje broja** prekršajnih naloga i zahtjeva imale su policijske stanice:

- Centar (za 15 ili 9,7%);
- Vogošća (za jedan ili 5,9%) i
- Ilijaš (za šest ili 75%).

Policijsko odjeljenje Trnovo podnijelo je dva zahtjeva za pokretanje prekršajnog postupka (u istom mjesecu 2014.nije bilo), a Jedinica za saobraćaj MUP-a KS imala je isti broj uručenih prekršajnih naloga kao i prošle godine.



Tabelarni pregled strukture prekršaja iz oblasti javnog reda i mira  
za mjesec april 2015./2014.godina

Prekršaji iz zakona o JRiM:	april 2015.	april 2014.	+ - %
<b>-Tuče</b>	48	42	+14,3
<b>-Naročito drsko ponašanje</b>	42	34	+23,5
<b>-Odbijanje naređenja i omalovaž. pol. služb.</b>	34	39	-12,8
<b>-Neovlaštena upotreba oružja</b>	1	0	
<b>-Paljenje petardi</b>	1	2	-50,0
<b>-Prosjačenje</b>	<b>365</b>	229	+59,4
<b>-Svađa, vika, nepristojno ponašanje</b>	9	5	+80,0
<b>-Ostali prekršaji iz Zakona o JRiM</b>	55	31	+77,4
Prekršaji prema Odluci općinskog vijeća o JRiM	39	10	+290,0
ukupno	594	392	+51,5

Prema strukturi prekršaja, **najbrojniji su prekršaji učinjeni prosjačenjem** (365 ili 61,4%), zatim tučama (48 ili 8,1%), naročito drskim ponašanjem (42 ili 7,1%), te odbijanjem naređenja i omalovažavanjem policijskih službenika (34 ili 5,7%). Registrovano je i devet prekršaja učinjenih svadom, vikom i nepristojnim ponašanjem, po jedan zbog neovlaštene upotrebe oružja i paljenja petardi i 55 zbog svih ostalih prekršaja. Takođe, evidentirano je i 39 prekršaja koji su utvrđeni Odlukom općinskih vijeća o JRiM.

U odnosu na isti mjesec 2014. godine, u proteklom mjesecu smanjen je broj prekršajnih sankcija zbog prekršaja učinjenih odbijanjem naređenja i omalovažavanjem policijskih službenika, te paljenjem petardi, dok je u svim ostalim slučajevima povećan broj ovih sankcija.

**Prema mjestu izvršenja**, najveći broj prekršaja iz oblasti javnog reda i mira izvršen je na ulici i na drugim otvorenim prostorima (535 ili 90,1%), a znatno manje u ugostiteljskim objektima (17 ili 2,9%), na sportskim terenima (četiri), u školama (tri), te na ostalim mjestima (35). U vozilima javnog saobraćaja i u trgovinama nije bilo registrovanih slučajeva narušavanja javnog reda i mira.

Tabelarni pregled broja podnesenih naloga i zahtjeva  
u mjesecu aprilu 2015/2014. godine, prema mjestu izvršenja

MJESTO IZVRŠENJA	april 2015.	april 2014.	+ - %
Ugostiteljski objekti	17	13	+30,8
Ulice i drugi otvoreni prostori	<b>535</b>	364	+47,0
Vozila javnog saobraćaja	0	1	-100,0
Sportski stadioni i dvorane	4	0	
Škole i školska dvorišta	3	1	+200,0
Trgovine i zanatske radnje	0	1	-100,0
Ostala mjesta	35	12	+191,7
UKUPNO	594	392	+51,5

U odnosu na isti mjesec 2014. godine, u proteklom mjesecu smanjen je broj prekršaja u vozilima javnog saobraćaja i u trgovinskim radnjama, dok je na svim ostalim mjestima taj broj povećan.

Kada su u pitanju krivična djela izvršena u školama i školskim dvorištima, u mjesecu aprilu ove godine podnesena su tri službena izvještaja (isto kao i u aprilu 2014. godine) zbog fizičkih napada izvršenih nad učenicima ispred škola.

Policijski službenici su u toku mjeseca aprila 2015. godine bili angažovani na osiguranju brojnih javnih skupova koji su održani na području Kantona Sarajevo i tim povodom preduzimane su odgovarajuće planske aktivnosti na njihovom bezbjednom odvijanju, tako da su sva javna okupljanja protekla bez narušavanja javnog reda i mira. Policijski službenici bili su angažovani na osiguranju 226 javnih skupova (50 ili 28,4% više u odnosu na isti mjesec 2014. godine), a u 35 slučajeva (tri ili 9,4% više) izvršeno je KDZ osiguranje ovih skupova.

### 3. SAOBRAĆAJ

Tokom mjeseca aprila 2015. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom i nastradalim licima, te broja nastradalih lica (poginulih i povrijeđenih).

Evidentirana je 981 saobraćajna nezgoda (124 ili 14,5 % više), 896 sa materijalnom štetom (114 ili 14,6 % više) i 85 sa nastradalim licima (10 ili 13,3 % više).

U naselju su registrovane 953 saobraćajne nezgode (dvije sa poginulim, 80 sa povrijeđenim licima i 871 sa materijalnom štetom), van naselja 28 nezgoda (tri sa povrijeđenim licima i 25 sa materijalnom štetom).

Evidentirano je 229 saobraćajnih nezgoda na raskrsnicama u naselju, 26 na raskrsnicama van naselja, šest na nadvožnjaku, četiri na pješačkom prelazu, jedna na mostu i 715 saobraćajnih nezgoda čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo za mjesec april 2015/2014. godina

	april 2015	april 2014	+, -, %
UKUPNO SAOBRAĆAJNIH NEZGODA	981	857	+ 124 ili 14,5 %
Saobraćajne nezgode sa nastradalim licima	85	75	+ 10 ili 13,3 %
Saobraćajne nezgode sa materijalnom štetom	896	782	+ 114 ili 14,6 %
POGINULO LICA	2	1	+ 1 ili 100 %
- vozači	2	0	+ 2
- putnici	0	0	-----
- pješaci	0	1	- 1
POVRIJEĐENO LICA	115	91	+ 24 ili 26,4 %
- vozači	52	42	+ 10 ili 23,8 %
- putnici	39	25	+ 14 ili 56 %
- pješaci	24	24	isto

Najveći broj saobraćajnih nezgoda evidentiran je na području općina: Novi Grad (218) i Centar (203). Najveće povećanje broja saobraćajnih nezgoda registrovano je na području općine Novi Grad (za 52 ili 31,3%), dok je smanjenje registrovano jedino na području općine Ilijaš (za pet ili 20 %).

Tabelarni pregled broja saobraćajnih nezgoda po općinama  
za mjesec april 2015/2014. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2015	95	203	170	218	198	26	2	49	20	981
2014	81	194	166	166	157	22	1	45	25	857
+,-%	+ 14 ili 17,3 %	+ 9 ili 4,6 %	+ 4 ili 2,4 %	+ 52 ili 31,3 %	+ 41 ili 26,1 %	+ 4 ili 18,2 %	+ 1 ili 100 %	+ 4 ili 8,9 %	- 5 ili 20 %	+ 124 ili 14,5 %

### 3.1. POSLJEDICE SAOBRAĆAJNIH NEZGODA

Tokom mjeseca aprila 2015. godine, u saobraćajnim nezgodama na području Kantona Sarajevo 117 lica je nastradalo (24 ili 25,8 % više). Dva lica su poginula<sup>4</sup> (jedno ili 100 % više), dok je 115 lica povrijeđeno (24 ili 26,4 % više), 23 teže i 92 lakše.

Među povrijeđenim licima evidentirana su:

- 52 vozača (10 više)
- 39 putnika (14 više)
- 24 pješaka (isto)

Tabelarni pregled nastradalih lica u saobraćajnim nezgodama po kategoriji učesnika  
za mjesec april 2015/2014. godina

	POGINULO			TEŠKO POVRIJEĐENO			LAKŠE POVRIJEĐENO		
	april 2015	april 2014	+,-%	april 2015	april 2014	+,-%	april 2014	april 2013	+,-%
VOZAČI	2	0	+ 2	7	3	+ 4 ili 133,3 %	45	39	+ 6 ili 15,4 %
PUTNICI	0	0	-----	5	3	+ 2 ili 66,7 %	34	22	+ 12 ili 54,5 %
PJEŠACI	0	1	- 1	11	7	+ 4 ili 57,1 %	13	17	- 4 ili 23,5 %
UKUPNO	2	1	+ 1 ili 100 %	23	13	+ 10 ili 76,9 %	92	78	+ 14 ili 17,9 %

Kada je u pitanju stepen povreda, sedam vozača je teže, a 45 lakše povrijeđeno, pet putnika je teže, a 34 lakše povrijeđena, dok je 11 pješaka teže, a 13 lakše povrijeđeno.

<sup>4</sup> Dana 12.04.2015. godine, u Ulici Rustempašina (općina Ilidža), poginuo je S. S. (29) -vozač.

Dana 25.04.2015. godine, na raskrsnici Ulica Butmirskara cesta – Ilirska (općina Ilidža), poginuo je I. I. (66) – vozač.

Najveći broj povrijeđenih lica registrovan je na području općina: Novi Grad i Ilidža – po 31.

Posljedice saobraćajnih nezgoda po policijskim upravama/stanicama za mjesec april 2015/2014. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		april 2015	april 2014	uporedba	april 2015	april 2014	uporedba	april 2015	april 2014	uporedba
I PU	Stari grad	0	0	-----	1	0	+ 1	7	1	+ 6 ili 600 %
	Centar	0	0	-----	3	0	+ 3	11	12	- 1 ili 8,3 %
II PU	Novo Sarajevo	0	0	-----	1	2	- 1 ili 50 %	10	18	- 8 ili 44,4 %
III PU	Novi Grad	0	1	- 1	6	0	+ 6	25	13	+ 12 ili 92,3 %
IV PU	Ilidža	2	0	+ 2	7	9	- 2 ili 22,2 %	24	22	+ 2 ili 9,1 %
	Hadžići	0	0	-----	1	0	+ 1	5	3	+ 2 ili 66,7 %
	Trnovo	0	0	-----	0	0	-----	0	0	-----
V PU	Vogošća	0	0	-----	3	0	+ 3	6	2	+ 4 ili 200 %
	Ilijaš	0	0	-----	1	2	- 1 ili 50 %	4	7	- 3 ili 42,8 %
UKUPNO		2	1	+ 1 ili 00 %	23	13	+ 10 ili 76,9 %	92	78	+ 14 ili 17,9 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 19 lica, od 25 do 30 godina – 18 lica, od 51 do 65 godina -18 lica, od 41 do 50 godina – 17 lica, itd.

Prema kategoriji puta, najveći broj saobraćajnih nezgoda registrovan je na ulicama u naselju –737 nezgoda u kojima je 77 lica nastradalo (jedno lice poginulo, 76 lica povrijeđeno), zatim na magistralnim putevima –110 nezgoda u kojima su 23 lica povrijeđena, na lokalnim putevima – 82 nezgode (sedam lica povrijeđeno), na regionalnim putevima – 17 nezgoda (tri lica povrijeđena) i na putevima koji se ubrajaju u kategoriju ostalih – 35 saobraćajnih nezgoda (jedno lice poginulo, šest lica povrijeđeno).

### 3.2. UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 817 (jedno lice poginulo, 63 lica povrijeđena), neprilagođena brzina - 151 (jedno lice poginulo, 40 lica povrijeđeno) i uticaj alkohola – 13 (12 lica povrijeđeno).

Evidentirane su dvije saobraćajne nezgode (pet manje), u kojima su učestvovali pripadnici MUP-a Kantona Sarajevo. U navedenim saobraćajnim nezgodama nije bilo nastradalih lica.

Evidentirano je 35 saobraćajnih nezgoda (pet više) u kojima su učestvovali inostrani vozači i četiri nezgode (jedna više) u kojima su učestvovala vozila međunarodnih organizacija (bez nastradalih lica).

### 3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec april 2015 /2014. godine

	april 2015/2014	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2015	22.449	4.129	4.953	3.525	3.746	932	5.164
	2014	15.184	2.019	2.343	2.894	2.761	987	4.180
broj uručenih prekršajnih naloga	2015	17.685	4.007	4.637	746	948	381	6.966
	2014	11.928	1.870	1.988	556	595	509	6.410
broj zahtjeva za p.p.p.	2015	49	3	0	11	31	0	4
	2014	37	5	1	0	22	3	6
broj isključenih vozila iz saobraćaja zbog tehničke neispravnosti	2015	70	0	0	0	0	0	70
	2014	30	0	0	1	0	0	29
broj vozača zatečenih da upravljaju vozilom pod dejstvom alkohola	2015	375	124	58	17	16	21	139
	2014	351	67	77	11	13	44	139
broj vozača zatečenih da upravljaju vozilom bez korištenja sig. pojasa	2015	719	48	549	47	54	21	0
	2014	707	52	188	41	28	36	362
broj vozača zatečenih da upravljaju vozilom bez položenog vozačkog ispita	2015	207	43	37	9	27	9	82
	2014	211	38	52	17	3	20	81
broj vozača zatečenih da upravljaju vozilom pod izrečenom zaštitnom mj.	2015	0	0	0	0	0	0	0
	2014	1	0	0	0	1	0	0
broj vozila otkrivenih da učestvuju u saobraćaju bez važeće registracije	2015	207	41	30	14	17	9	96
	2014	140	25	13	16	13	12	61

Tokom mjeseca aprila 2015. godine, kontrolisano je ukupno 22.449 vozila (7.265 više), 4.315 lica u vozilima (915 više), izvršen je pregled 178 vozila (262 manje) i 186 lica u tim vozilima (82 manje).

Zbog tehničke neispravnosti iz saobraćaja je isključeno 70 vozila (40 više), 375 vozača je zatečeno da upravljaju vozilom pod dejstvom alkohola (24 više), 719 bez korištenja sigurnosnog pojasa (12 više), 207 bez položenog vozačkog ispita (četiri manje), a 207 vozača je učestvovalo u saobraćaju bez važeće registracije (67 više).

Zbog kršenja propisa iz oblasti sigurnosti saobraćaja uručeno je 17.685 prekršajnih naloga vozačima (5.757 više u odnosu na april prošle godine) i podneseno 49 zahtjeva za pokretanje prekršajnog postupka (12 više).

### 3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca aprila 2015. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 7.904 prekršajna naloga (4.229 više), upozoreno je 438 vozača (25 manje), a specijalnim vozilom "pauk" premješteno je 226 vozila (četiri manje).

### 3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Novo Sarajevo – 2.833, zatim: Centra – 1.629, Starog Grada- 1.510, Novog Grada – 402, Ilidže – 298, Hadžića – 183, Vogošće – 51 i Ilijaša – 15.

Službenici Jedinice za saobraćaj uručili su 983 prekršajna naloga vozačima.

Takođe, pješacima koji su kršili propise uručeno je 96 prekršajnih naloga (39 više), a upozorena su 92 pješaka (četiri više).

## 4. ZAKONITOST U RADU

Tokom mjeseca aprila 2015. godine, registrovana su dva napada na policijske službenike PS Novo Sarajevo (pet manje), u kojima su učestvovala dva lica.

Policijski službenici su u tri slučaja opravdano upotrijebili silu (jedna više):

- fizičku snagu i sredstva za vezivanje – tri puta  
Prva PU (PS Centar) -dva puta  
Druga PU (PS Novo Sarajevo) -jednom

Tokom mjeseca aprila 2015. godine razmatrano je 19 predstavki na rad službenika policije među kojima je za pet predstavki (jedna manje) data saglasnost za sprovođenje unutrašnjih istraga, dok je za 14 predstavki donesen zaključak da su neosnovane. Postupano je po 24 predstavke iz ranijeg perioda, tako da je razmatrano ukupno 29 predstavki (jedna manje).

Okončano je sedam unutrašnjih istraga, među kojima su dvije osnovane, dvije su bile bez dovoljno dokaza, dok je u tri slučaja stranka odustala od žalbe.

### 4.1. PRAVNA REGULATIVA

U okviru Pravne regulative vršeni su sljedeći poslovi:

- Federalnom ministarstvu unutrašnjih poslova je upućen akt kojim se traži mišljenje oko primjene određenih odredbi Zakona o amnestiji za nedopušteno držanje MES-a i oružja.
- Organizacionim jedinicama je na upoznavanje dostavljen Pravilnik o izmjenama Pravilnika o plaćama i naknadama državnih službenika i namještenika MUP- Kantona Sarajevo.
- Sačinjen je Prijedlog Uputstva o postupanju policijskih službenika MUP-a Kantona Sarajevo prilikom neposredne kontrole i regulisanja saobraćaja na putevima i dostavljen organizacionim jedinicama Uprave policije na postupanje.
- Sačinjena je Radna verzija Pravilnika o upotrebi sile i dostavljena organizacionim jedinicama Uprave policije na eventualne primjedbe, prijedloge i sugestije.

## **5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2015.“**

U mjesecu aprilu ove godine evidentirano je 12 djela regulisanih ZONDINOIM-om (dva više) počinjenih od strane 13 lica od kojih je sedam lišeno slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: jedna puška, šest pištolja, tri "eksplozivne naprave i sredstva", 39 „noževa, mačeva, sablji i sl.“, četiri boksera, 38 petardi, 48 komada municije raznog kalibra, itd.

Takođe, tokom ovog mjeseca organizacione jedinice ovog Ministarstva, u saradnji sa štabovima Civilne zaštite, EUFOR-om i Oružanim snagama BiH, aktivno su učestvovala u realizaciji akcije "ŽETVA 2015" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – 11 komada,
- puška – jedan kom.,
- mine, granate, trombloni i sl. - šest kom.,
- municija raznog kalibra – tri komada, itd.

U mjesecu aprilu ove godine fizičkim licima izdata su 122 odobrenja za nabavku vatrenog oružja (12 više) i 154 oružna lista (78više).